

HANYALAH ALLAH YANG MAHA BESAR

Wahai Kaumku Umat Islam

Telah beringkah guruh dan petir,
Seakan kilat hendak menyambarmu

Telah menghitam awan dahulu,
Seakan banjir hendak melandamu

Telah berdendang lagu dan siul,
Seakan rayuan membawamu hanyut

Tegakkan kepalamu di ini hari

“*Allāhuakbar wa lillāhīlhamdu*”

Hanyalah Allah Yang Maha Besar,
Kepadanya pulang puji dan syukur
Kembalilah kamu ke dalam hidayah dan taufik-Nya
Di sana letak pengkal merebut kejayaanmu

Tempatkan pertunjuk Allah di dalam hatimu:

Cukupkan Allah bagimu tempat berlindung
Dialah yang akan menegakkan pendirianmu
Dengan pertolongan langsung daripadanya
Dan tenaga mukmin sama seiman

Ada demikian pencarian jiwa Tuan Mohammad Natsir Ketua Umum Masyumi
tatkala menyambut Hari Raya Aidilfitri yang baharu lalu [P. Q.].